

PEARLS OF ARMENIAN HERITAGE

Սուրբ Սարգիս



Ս. Սարգիս զորավարը կարգված է համաքրիստոնեական աշխարհի սրբերի դասին:

Ըստ եկեղեցույ ավանդության՝ նա իր որդու՝ Մարտիրոսի և 14 քաջ մարտիկների հետ նահատակվել է հանուն քրիստոնեական հավատքի: Կոստանդիանիս կայսրը, ով նույնպես համարվում է Հայ Առաքելական Եկեղեցու սրբերից, նկատելով Ս. Սարգսի արիությունը, կարգում է նրան հարևան Կապադովկիայի իշխան և սպարապետ:

Սուրբ Սարգիսը զբաղվել է նաև քրիստոնեության քարոզչությամբ և եկեղեցաշինությամբ: Երբ Հուլիանոս Ուրացողի թագավորության օրոք սկսվում են քրիստոնյաների հալածանքները, Սուրբ Սարգիսը հայտնություն է ստանում Աստուծոց հեռանալ կայսրությունից: Նա իր որդու հետ հաստատվում է Հայաստանում, ուր թագավորում էր խոսրով թագավորի որդին՝ Տիրանը:

Ավանդույդի համաձայն՝ նրա գինակիցները, տեսնելով Սարգսի ձեռքով Աստծո կողմից գործած հրաշքերը, հրաժարվում էին հեթանոսությունից և ընդունում քրիստոնեությունը:

Սակայն պարսից շահը պահանջում է նրանից պաշտել կրակը և զոհաբերություններ կատարել: Երբ Սարգիսը հրաժարվում է ուրանալ իր հավատքը և ավերում է բազիլը, ամբոխը հարձակվում է նրա որդու՝ Մարտիրոսի վրա և սպանում նրան: Սարգսին բանտարկում են, ապա՝ գլխատում: Քրիստոնեական հավատքի համար նահատակվում են նաև Սարգսի 14 զիվորները:

Նահատակների մարմինները ամփոփվում են Համիան քաղաքում, որտեղից էլ, ըստ հայկական հայսմավորքներից մեկի, Մեսրոպ Մաշտոցը վերցնում է Սուրբ Սարգսի մարմինը և ամփոփում Հայաստանի Կարբի ավանում: Այնուհետև վերցնելով սրբի ատամներից մեկը՝ Մաշտոցը ամրացնում է այն խաչափայտին և մասունքի վրա Գագ լեռան գագաթին կառուցում Գագա Սուրբ Սարգիս վանքը: Լեռը գտնվել է պատմաանան Մեծ Հայքի Գուգարք նահանգում: Այդ լեռն այսօր գտնվում է Ադրբեջանի Հանրապետության Ղազախի շրջանում:

Այսպիսով, Սուրբ Սարգսի պաշտամունքը Հայաստանում տարածվեց 5-րդ դարից, երբ Մեսրոպ Մաշտոցը Ս. Սարգսի մասունքներն ամփոփեց Կարբի ավանում և դրանց տեղում հիմնեց Ուշիի Ս. Սարգիս եկեղեցին և վանքը: